

摘藻堂四庫全書薈要

集部

欽定四庫全書薈要

集部

御定全唐詩卷八百十一至

五

詳校官原任主事_臣李斯咏

欽定四庫全書薈要卷一萬八千二百十六

集部

御定全唐詩卷八百十一

護國

江南人工詞翰有聲大厯間詩十二首

歸山作

諠靜各有路偶隨心所安縱然在一作好朝市終不忘林

壑四皓將拂衣二疏能挂冠窓前隱逸傳每日三時一作

時看斬尚那可論屈原亦可歎至今黃泉下名及青雲



端松牖見初月花間禮古壇何處論心懷世上空漫漫

題醴陵玉仙觀歌

一作靈一詩一作題王喬觀傳道士所居

王喬一去空仙觀白雲至今凝不散星

一作苔

垣松殿幾

千秋

一作壇場月露幾千年

往往笙歌下天半瀑布西行過石橋

黃精採根還採苗路逢

一作忽見

一人擎藥

一作茶

椀松

一作蓼

花夜雨風吹滿自言家住

一作住處

在東坡白犬相隨邀我

過南山

一作松間

石上有碁局曾

一作能

使樵夫

一作人

爛斧柯

訪雲母山僧

森然古巖裏

一作碧一作下

淨行一番

一作高

僧松下瀟寒水佛

前挑

一作燒

夜燈蓮花國土異貝葉梵書能想到空王境

一作所

無心問

一作戀

愛憎

題王班水亭

湖上見秋色曠然如爾懷
豈惟歡隴畝兼亦外形骸
待月歸山寺彈琴坐暝齋
布衣閑自貴何用謁天階

山中寄王員外

為問幽蘭桂空山復若何
芬芳終有分採折更誰過
望

在軒階近恩霑雨露多移居儻得地長願接瓊柯

許州鄭使君孩子

一作法振詩

毛骨貴天生肌膚片玉明見人空解笑弄物不知名國
器嗟猶小門風望益清抱來芳樹下時引鳳雛聲

愴故人舊居

惆悵至日暮寒鴉啼

一作青

樹林破階苔色厚殘壁雨痕

深命與時不遇福為禍所侵空餘行

一作竹

逕在令我歎

人吟

逢靈道士

浮丘山上見黃冠
松柏森森登古壇
一莖青竹以為杖
數顆仙桃仍未餐
長安市裏仍賣卜
武陵溪畔每燒丹
縮地往來無定所
花源到處路漫漫

別盛安

情人取次幾淹留
別後南州與北州
月色為憐今夜客
砧聲那似去年秋
欲除豺虎論三略
莫對雲山詠四愁
親故相逢且借問
古來無種是王侯

傷蔡處士

篋中遺草是琅玕對北空令灑淚看三徑尚餘行跡在
數螢猶是映書殘晨光不借泉門曉暝色唯添隴樹寒
欲問皇天天更遠有才無命說應難

臨川道中

出谷入谷路回轉秋風已至歸期晚舉頭何處望來蹤
萬仞千山鳥飛遠

贈張駙馬斑竹拄杖

此君與我在雲溪勁節奇文勝杖藜為有歲寒堪贈遠
玉階行處願提攜

法振

一作震
一作貞

法振大歷貞元間以詩名詩十六首

病愈寄友

哀樂暗成疾臥中芳月移西山有清士孤嘯不可追
藥晝林靜汲泉陰澗遲微蹤與麋鹿遠謝求羊知

程評事西園之作

誰向春鶯道名園已共知
簷前迴水影城上出花枝
搖拂煙雲動登臨翰墨隨
相招能不厭山舍為君移

陳九溪中草堂

溪草落濺濺魚飛入稻田
早寒臨洞月輕素卷簾煙
頻噴題新句簑衣象古賢
曙花開秀色三十六峰前

題天長阮少府湖上客歸

孤櫂移官舍新農寄楚田
晴林渡海日春草長湖煙
臥對閒鷗戲談經稚子賢
佳期更何許應向嘯臺前

題萬山許鍊師

道成人不識流水響空山
花暗軒窓外雲隨坐臥間
驗圖名已久絕粒事長閑
更欲崑崙去羞看絳節還

河源破賊後贈袁將軍

白羽三千駐蕭蕭萬里行
出關深漢壘帶月破蕃營
蔓草河原色悲笳碎葉聲
欲朝王母殿前路駐高旌

越中贈程先生

紗帽度殘春虛舟寄一身
溪邊逢越女花裏問秦人
古

塞連山靜陰霞落海新有時城郭去暗與酒家親

送常大夫赴朔方

關山今不掩軍候鳥先知大漢嫖姚入烏孫部曲隨高旌天外駐寒角月中吹歸到長安第花應再滿枝

送人遊閩越

不須行借問為爾話閩中海島陰晴日江帆來去風道游玄度宅身寄朗陵公此別何傷遠如今關塞通

送褚先生海上尋封鍊師

潮落風初定天吳避客舟近承三殿旨欲向五湖游不
厭烏皮几新縫鶴氅裘明珠漂斷岸陰火映中流華蓋
芝童引神丹桂女收懸知居縹緲因為識浮丘

送韓侍御自使幕巡海北

微雨空山夜洗兵繡衣朝拂海雲清幕中運策心應苦
馬上吟詩卷已成離亭不惜花源醉古道猶看蔓草生
因說元戎能破敵高歌一曲隴關情

張舍人南谿別業

新田繞屋半春耕
藜杖閒門引客行
山翠自成微雨色
谿花不隱亂泉聲
漁家遠到堪留興
公府懸知欲厭名
入夜更宜明月滿
雙童喚出解吹笙

別盧使君歸故柵村

歸風白馬引嘶聲
落日猶看楚客情
塞口竹緣空戍沒
潮頭沙擁慢岡成
松田且欲親耕種
郡守何偏問姓名
東道宿程投故柵
依依漁父解相迎

丹陽浦送客之海上

不到終南向幾秋移居更欲近滄洲
風吹雨色連村暗潮擁菱花出岸浮
漠漠望中春自豔寥寥泊處夜堪愁
如君豈得空高枕只益天書遣遠求

月夜泛舟

西塞長雲盡南湖片月斜漾舟人不見
臥入武陵花

送友人之上都

玉帛徵賢楚客稀猿啼相送武陵歸
湖頭望入桃花去一片春帆帶雨飛

句

畫鼓催來錦臂裏小娥雙起整霓裳

柘枝見
韻語陽秋

御定全唐詩卷八百十一

欽定四庫全書薈要卷一萬八千二百十七

集部

御定全唐詩卷八百十二

清江

清江會稽人善篇章大厯貞元間與清晝齊名稱爲會稽二清詩一卷

早發陝州途中贈嚴祕書

此身雖不繫憂道亦勞生
萬里江湖夢千山雨雪行人
家依舊壘關路閉層城未盡

一作絕

交河虜猶屯細柳兵

一作營 艱難嗟遠客 一作道 棲託賴深情 貧病 一作苦 吾將 一作

何有精脩許 一作謝 少卿

早春書情寄河南崔少府

春日 一作東 風至陽和似不均 病身 一作安 空益老

愁 一作衰 鬢不知春 宇宙成遺物 光陰促 幻身客遊傷末

路 心事向行 一作何 人道薄猶懷土 一作玉 時難欲厭貧微

才如可寄赤縣有鄉親

春遊司直城西鷓鴣谿別業

別墅軍城下間諠未可齊
春深花蝶夢曉隔柳煙韓
韶景浮寒水疎楊映綠堤
沿洄看竹色來往聽鶯啼
久慢持生術多親種藥畦
家貧知素行心苦見清溪
越客初投分南枝得寄棲
禪機空寂寞雅趣賴招攜
本寺重江外遊方二室西
裴回戀知己日夕草萋萋

夕次襄邑

何處戒

一作成

吾道經年遠路中客心猶向北河水自歸

東古戍鳴寒角疎林振夕風輕舟惟載

一作有

月那與故

人同

宿嚴維宅簡章八元

一作宿嚴
祕書宅

佳期曾不遠甲第即南鄰惠愛偏相及經過豈厭頻

一作

貧秋寒林

一作
光寒

葉動夕霽

一作
露

月華新莫話羈棲事平

原是主人

贈淮西賈兵馬使

破虜功成百戰場天書新拜漢中郎映門旌旆春風起

對客弦歌白日長階下闔雞花乍發

一作
折

營南試馬柳

初黃由來吳楚

一作楚蜀

多同調感激逢君共異鄉

送堅上人歸杭州天竺寺

十年勞負笈經論化中朝流水知鄉近和風惜別遙雲
山零夜雨花岼上春潮歸臥南天竺禪心更寂寥

送贊律師歸嵩山

一作無可詩

禪意

一作客

歸心急

一作山意

山深定易安清貧脩道苦孝友

別家難雪路侵溪轉花宮映嶽看到時瞻塔暮松月向
人寒

上都酬章十八兄

每歎經年別人生有幾年關河長問道風雨獨隨緣
寓蝶成莊夢懷人識禰賢微猷不及此空媿白華篇

登樓望月寄鳳翔李少尹

陌上涼風槐葉凋夕陽秋露濕寒條登樓望月楚山上
月到樓南山獨遙心送秦人趨鳳闕月隨陽鴈極煙霄
軒車不重無名客此地誰能訪寂寥

湘川懷古

瀟湘連汨羅復對九疑

一作疑

河浪勢屈原塚竹聲漁父

歌地荒征騎少天暖浴禽多脉脉東流水

一作去

古今同

奈何

七夕

七夕景迢迢相逢只一宵月為開帳燭雲作渡河橋映

水金

一作花

冠動當風玉珮搖惟

一作預

愁更漏促離別在

明朝

長安臥病

一作病起

身世足堪悲空房臥病

一作疾

時卷簾花

一作槐

雨滴掃石

竹陰移已覺生如夢堪嗟

一作那堪

壽不知未能通法性詎

可免

一作見

支離

送婆羅門

一作可止詩

雪嶺金河獨向東吳山楚澤意無窮如今白首鄉心盡
萬里歸程在夢中

喜皇甫大夫同宿大梁驛

與靈一同使君宿大梁驛詩只差數字

江頭旌旆去花外卷簾空夜色臨城月春聲渡水風也

知行李別暫喜話言同若問廬山事終身愧遠公

酬姚補闕南仲雲溪館中戲題隨書見寄

寺溪臨使府風景借仁祠補袞周官貴能名漢主慈臥
雲知獨處望月憶同時忽枉緘中贈瓊瑤滿手持

喜嚴侍御蜀還贈嚴祕書

往年分首

一作手

出咸秦木落花開秋又春江客不曾知

蜀路旅魂何處訪情人當時望月思文友今日迎驄見
近臣多羨二龍同漢代繡衣芸閣共榮親

送韋

一作車

叅軍江陵

一作戴叔倫詩

槐花落盡柳陰清
蕭索涼天楚客情
海上舊山無的信

東門

一作汴東

歸路不堪行
身隨幻境勞多事
跡學禪心厭

有名公子道存知
不棄欲依劉表住
南荆

月夜有懷黃端公兼簡朱孫二判官

月照疎林驚鵲飛
羈人此夜共無依
青門旅寓身空老
白首頭陀力漸微
屢向曲池陪逸少
幾回戎幕接玄暉
四科弟子稱文學
五馬諸侯是繡衣
江雁往來曾不定

野雲搖曳本無機，修行未盡身將盡。欲向東山掩舊扉。

精舍遇雨

一作可止詩

空門寂寂淡吾身，溪雨微微洗客塵。臥向白雲情未盡，任他黃鳥醉芳春。

小雪

一作可止詩

落

一作江
一作花

雪臨

一作隨

風不厭看更多還恐蔽

一作失

林巖

愁人正在書窗下，一片飛來一片寒。

句

萬木無一葉客心悲此時

秋日晚泊見吟窗雜錄

御定全唐詩卷八百十二

欽定四庫全書薈要卷一萬八千二百十八

集部

御定全唐詩卷八百十三

無可

無可范陽人姓賈氏島從弟居天仙寺詩名亦與島齊
集一卷今編為二卷

送呂郎中赴滄

一作海州

出守滄州去西風送旆旌路遥經一作過幾郡地盡到孤

城拜廟千山綠登

一作開

樓遍海清

一作晴

何人共東望日

一作
月 向積濤生

書馬如文石門居

別業逸高情暮泉喧客亭林迴天闕近雨過石門青野
果誰來拾山禽獨臥聽要迎文會友時復掃柴扃

送章正字秩滿東歸

朝衣登別席春色滿秦關芸閣吏誰替海門身又還尋
僧流水僻見月遠林閒雖是忘機者難齊去住間

賦得望遠山送客歸

遙山寒雨過正向暮天橫隱隱凌雲出

一作去

蒼蒼與一作

共水平何時凝厚地幾處映一作向孤城歸客秋風裏迴

看傷別情

送宜春裴宰

一作明府

是將軍旻之孫

垂白方為縣徒

一作從

知大父雄山春南去棹楚夜北飛

鴻壘嶂和雲滅孤城與嶺通誰知持惠化一境動清

一作

秋風

送朴山人歸日本

海霽

一作際

晚帆開應無鄉信催水從荒外積人指日邊

迴望國乘風久浮天絕島來儻因華夏使

一作下夢

書札轉

悠哉

送姚宰任吉州安福縣

一作送王明府之任安福

落絮滿衣裳攜琴問酒

一作水

鄉挂帆南入楚到縣半浮

湘吏散翠禽下庭閑斑竹長人安宜

一作知

遠泛沙上蕙

蘭香

一作芳

送李少府之任臨邛

邛南方作尉調補一何卑發論唯公幹承家乃帝枝山

長風裏棧江陰石和澌舊井王孫宅還一作過尋獨有期

遊一作廬山寺

千峰路盤

一作盤磴

盡林寺昔何

一作年

名步步入山影房房

聞水聲多年人跡斷

一作絕

殘照

一作日一作月

石陰

一作冰

清自

一作便可求居止安閒過此生

酬姚員外見過林下

掃苔迎五馬時

一作疏

藥過申鐘鶴共林僧見雲隨野客

逢入樓山隔水滴旆露垂松日暮題詩去空知雅調重

濃一作

寄華州馬戴

一作秋中聞馬戴遊華山因寄

三峰待秋上鳥外挂衣巾猶

一作獨

見無窮景應非暫往

一作

身水寒仙掌路山遠

一作林靜一作雲住

華陽人欲問壇邊

月尋思闕復新

秋夜寄青龍

一作龍池

寺空貞

一作真

二上人

夜來思道侶木葉向人飄精舍池邊古秋山樹

一作月

下

遙磬寒

一作聲

徹幾里雲白已經宵未得同居止

一作居名世

蕭

一作脩

然自寂寥

過杏

一作石

溪寺寄姚員外

門徑衆峰頭盤巖復轉溝雲僧隨樹老杏水落江流峽

狖有時到秦人今日遊謝公多晚眺此景

一作境

在南樓

送僧歸中條

一作送覺法師
往中條舊隱

夜葉動飄飄寒來話數宵卷經歸鳥

一作物

外轉雪過

一作

下山椒舊長

一作坐

松杉大難行水石遙元戎宗內學應

就白雲招

送人罷舉東遊

東堂今已負況此遠行難兼雨風聲過連天草色乾鴻
嘶荒壘閉兵燒廣川寒若向龍門宿懸知拭淚看

金州冬月陪太守遊池

一作林下對雪
送僧歸草堂寺

殘臘雪紛紛林間起送君苦吟行迴野投跡向寒雲絕
頂晴多去幽一作泉凍不聞唯應草堂寺高枕脫

人羣

寄青龍寺原

一作源

上人

一作冬日寄僧友

斂屨

一作履

入寒竹安禪過漏聲高杉殘子

一作葉

落深井

凍痕生罷磬風枝動懸燈雪屋明何當招我宿

一作友

乘

月上方行

秋寄從兄賈島

一作秋夜宿西林寄賈島

暝

一作暗

蟲喧

一作分

暮色默思坐

一作坐思

西林聽雨寒更徹

一作盡

開門落葉深昔因京邑病併起洞庭心亦是吾兄

事

一作弟

遲迴共

一作直

至今

新年

燃燈朝復夕漸作長年身紫

一作白

閣未歸日青門又見

一作

春掩關寒過盡開

一作出

定草生新自有林中趣誰

驚歲去

一作月頻

夏日送崔秀才遊南

南方山水地念子為貧遊縱是

一作便

逢佳景

一作境

那能

緩

一作免

旅愁夕陽行遠道煩暑在孤舟莫向巴江

一作山

過猿啼促

一作感

淚流

晚秋酬姚合

一作侍御

見寄

新命起高眠江湖空浩然木衰猶有菊燕去即無蟬分
察千官內孤懷遠嶽邊蕭條人外寺睽阻又一作復經年

暮秋宿友人居

招我郊居宿開門但苦吟秋眠山燒盡暮歇竹園深寒
浦鴻相叫風窗月欲沈翻嫌坐禪石不在此松陰

送李騎曹之武寧

一作送威武李騎曹之靈武寧省

一歲一歸寧涼天數騎行河來當塞曲一作盡山遠與一作斷

沙平縱獵旗風卷聽笳帳月生新鴻引寒色迴日滿一作
落京城

秋日寄厲玄先輩

楊柳起秋色故人猶未還別離俱

一作何

自苦

一作老

少壯

豈能閒夜雨吟殘燭秋城憶遠山何當一

一作同

相見語

默此林間

冬晚與諸文士會太僕田卿宅

從容

一作客

啓華館饌玉復燒蘭是歲茲旬盡良

一作青

宵

幾刻一作客殘風一作燈迴松竹動人息斗牛寒此一作別後

思良

一作吟

集須

一作先

期月再圓

贈詩僧

寒山對水塘

一作廊

竹葉影侵堂洗藥冰生岼開門月滿

牀病多身又老枕倦夜兼長來謁吾曹者呈詩問否臧

寒夜過叡川師院

長生推獻壽法坐四朝登問難無彊敵聲名掩古僧絕
塵苔積地栖竹鳥驚燈語默俱忘寐殘窗半月稜

送顓法師往太原講兼呈

一作謁

李司徒

一作空

近臘辭精舍并州謁尚

一作上

公路長山忽盡塞廣雪無

窮講席開晴壘禪衣涉遠風聞經諸弟子應滿北

一作北

門中

冬日諸禪自商山禮正師真塔

一作喜緒法師往岐陽禮塔

迴見訪

久思今忽

一作欲

來雙屨污

一作滑

青苔拂

一作掃

雪從山

一作

雲

起過房禮塔迴偈

一作句

留閒夜作禪請暫時開欲作

孤雲去賦詩

一作此時

余不才

題青龍寺縱公房

從誰得

一作傳

法印不離上方傳夕磬城霜下寒房

一作窗

竹月圓煙燈

一作燈

殘衰木畔

一作落

客住

一作往

積

一作積

雲邊

未隱滄洲去時來於此禪

贈圭峰禪師

一作寄圭峰宗密師

絕壑禪牀底泉分落石層霧交高

一作澆齊

頂草雲

一作雪

隱下方燈朝滿傾心客溪連

一作通

學道僧半旬持時

一作時

一食此事

一作行

有誰能

陪姚合遊金州南池

一作金州夏晚陪姚合員外遊南池

柳暗清波漲衝萍復漱苔張筵

一作帆

白鳥起下

一作

掃岍

使君來洲島秋應沒荷花晚

一作曉

盡開高城吹角絕

一作

罷

騶馭尚裴回

金州別姚合

日日西亭

一作臺

上春留到夏殘言之離別易勉以道途

難山出一千里溪

一作江

行三百灘松間樓裏月

一作月裏

秋

入五陵看

一作寒

夏日送田中丞赴蔡州

出守汝

一作海

南城應多戀闕情地遥人久望風起旆初

行楚廟繁蟬斷淮田細雨生賞心知有處蔣宅古津

一作

松

平

菊

東籬搖落後密艷被寒催夾雨驚新拆經霜忽盡開野
香盈客袖禁藥泛天杯不共春蘭竝悠揚遠蝶來

松

枝幹怪鱗皴烟梢出澗新屈盤高極目蒼翠遠驚人待

鶴移陰

一作陰移

過聽風落子

一作子落

頻青青寒木外自與九

霄鄰

蘭

蘭色結春光氛氲掩衆芳過門階露

一作覆

葉尋澤徑連

香晚靜風吹亂亭秋雨引長靈均曾采

一作寧

擷紉珮掛

荷裳

隕葉

遶巷夾

一作隔

溪紅蕭條逐北風別林遺宿鳥浮水載鳴

蟲石小埋初盡枝長落未終帶霜書麗什閑讀白雲中

李常侍書堂

結構因墳籍簷前竹未生塗油

一作鉛

窗日早閱槩幌風

輕息架蛩驚客垂燈雨過城已應窮古史師律孰齊名

寄和蔡州田郎中

一作寄和蔡州中丞題蔣亭

遺跡仍

一作路惟

留蔡幽人出漢

一作濮

朝門深荒徑在臺迴

數峰遙岼石欹相倚

一作對

窗松偃未凋尋思方一去豈

待使君招

經貞女祠

朝賽暮還祈開唐復歷隋精誠山雨至歲月廟松衰窺
穴龍潭黑過門鳥道危不同巫峽女來往楚王祠

行漢

一作竹溪

水晚次神灘阻風

驚風山半起舟子忽停橈岼荻吹先亂灘聲

一作波

落更

跳聽松今欲暮過島或

一作忽

明朝若盡平生趣東浮看

石橋

送田中丞使西戎

同用
旗字

朝元下赤墀玉節使西夷闕隴風

一作
峰

迴首河湟雪灑

旗磧砂行幾月戎帳到何時應盡平生志高全大國儀

送董正字歸覲毘陵

暫辭讐校去未發見新鴻路入江波上人歸楚邑東山
遙晴出樹野極暮連空何以念兄弟應思潔膳同

送邵錫及第歸湖州

春闕鳥罷啼

一作啼罷

歸慶浙煙西郡守招

一作邀

延重鄉人

慕仰

一作羨

齊橘青逃

一作陶

暑寺茶長

一作綠

隔湖溪乘暇

知高眺微應辨會稽

送薛重中丞充太原副使

中司出華省

一作中書華省外

副相晉陽行書答偏州啓籌參

上將營踏沙夜

一作寒

馬細吹

一作收

雨曉笳清正報胡塵

減桃花汾水生

送靈武李侍御

靈州天一涯幕客似還家地得江南壤程分磧裏砂禁

鹽調上味

一作鹽調
土味貢

麥穗結秋花前席因籌畫清吟塞

日斜

冬夜姚侍御宅送李廓少府

王事圭峰下將還禁漏餘偶歡新歲近惜別後期疎雪
罷見來吏川昏聊整車獨吟多暇日應寄柏臺書

送喻鳧及第歸陽羨

姓字載科名無過子最榮宗中初及第江上覲難兄月

向波濤沒茶連洞壑生石橋高思在且為看東坑

送沅江宋明府即開府璟之孫

初聞從事日鄂渚動芳菲一遂鈞衡薦今為長吏歸人

臨沅水望鴈映楚山飛唯有傳聲政家風重發揮一作輝

送薛秀才遊河中兼投任郎中留後

詩古一作苦賦縱橫令人畏後生駕言遊禹跡知己在蒲

城日一作月射雲煙一作凝散風吹草木一作未榮孤吟臨寇

境莫問一作欲請長纓

寄姚諫議

鳴鞭靜路塵籍籍

一作寂寞

諫垣臣函疏辭專

一作封還

密爐香

立獨親篋多臨水作窗宿臥雲人危坐開寒紙燈前起
草頻

大理正任二十和江淹擬古詩二十章寄示

不啻迴青眼應疑似碧雲古風真往哲雅道濫朝聞活
獄威豪右銷時賴典墳如何經濟意未克致吾君

寄殿院薛侍御

名高意本

一作轉

閒浮俗自

一作牆
勿日

難攀佐蜀連錢出朝

天獬豸還迴翔歷清院彈奏迴離班休澣通玄旨留僧

畫掩關

一作僧到休揮
翰開軒復解顏

禪林寺

台山朝佛隴勝地絕埃氛冷色石橋月素光華頂雲遠
泉和雪溜幽磬帶松聞終斷游方念爐香繼此焚

御定全唐詩卷八百十三

欽定四庫全書薈要卷一萬八千二百十九

集部

御定全唐詩卷八百十四

無可

奉和裴舍人春日杜城舊事

早晚辭綸綍觀農下杜西
草新池似鏡麥暖土如泥
鷺依川宿

一作息

驂騑向野嘶春來詩更苦
松韻亦含淒

酬厲侍御秋中思歸樹石所居見寄

三峰居接近數里躡雲行
深去通仙境思歸厭宦名
月

從高掌出泉向亂松鳴坐石眠霞侶秋來短褐成

奉和段著作山居呈諸同志三首次本韻

香花懷道侶巾舄立雙童解印駕鴻內抽毫水石中履
溫行燒地衣赤動霞風又似朝天去諸僧不可同

官辭中祕府疎放野麋齊偃仰青霄近登臨白日低折
腰窺乳竇定足涉冰溪染翰揮嵐翠僧名幾處題

暫收丹陛跡獨往亂山居入雪知人遠眠雲覺俗虛足
垂巖頂石纓濯洞中渠只見僧酬答新歸絕壑書

春日送麗處士歸龍山

愛弟直霜臺家山羨獨迴出門時返顧何日更西來柳
亦臨關發花應到越開漁舟誰伴上依舊恣公洄

寄興善寺崔律師

沐浴前朝像深秋白髮師從來居此寺未一作應省有東

池幽石叢圭片孤松動雪枝頃曾聽道話別起遠山思

送清散一作徹遊太白山

卷經歸太白躡躡鮮別蘿龕若履浮雲上須看積翠南倚

身松入漢瞑日月離潭此境堪長往塵中事可諳

冬晚姚諫議宅會送元緒上人歸南山

禪客詩家見凝寒忽告

一作過

還分題迴諫筆留偈在商

關盤徑緣高雪閑

一作開

房在半山自知麋鹿性亦欲離

人間

送契公自桂陽赴南海

南行登嶺首與俗洗煩埃磬罷孤舟發禪移積瘴開中
餐湘鳥下朝講海人來莫便將經卷炎方去不迴

冬中一作日

與諸公會宿姚端公宅懷永樂殷侍

御

柱史靜開筵所思何地偏故人為縣吏五老遠峰前賓

榻寒侵樹

一作燒

公庭夜落泉會當隨假務一就白雲禪

同劉秀才宿見贈

浮雲流水心只是愛山林共恨多年別相逢一夜吟既能持苦節勿謂少知音憶就西池宿月圓松竹深

官池上

迴疏城闕內寒瀉出雲波岸廣山魚到汀閒海鷺過泛
溝侵道急流葉入宮多移舸浮中沚清宵徹曉河

中秋

一本有
翫字

月

蟾宜天地靜三五對塔冥照耀超諸夜光芒掩衆星影

寒池更澈露冷樹銷

一作
梢

青枉值中秋半

一作
夜

長乖宿

洞庭

雪

松亞竹珊珊心知萬井歡山明迷舊逕溪滿漲新瀾客

醉瑤臺曙兵防玉塞寒紅樓知有酒誰肯學袁安

宿西嶽白石院

白石上嵌空寒雲西復東瀑流懸住處鷓鴣失禪中岳
壁松多古壇基雪不通未能親近去擁褐媿相同

送僧

四海無拘繫行心興自濃百年三事衲萬里一枝筇夜
減當晴影春消過雪蹤白雲深處去知宿在何峰

送贊律師歸嵩山

一作清江詩

禪意歸心急山深定易安清貧脩道苦孝友別家難雪
路尋溪轉花宮映嶽看到時孤塔暮松月向人寒

春晚喜悟禪師自琉璃上方見過

琉璃師到城談性外諸經下嶺雪霜在近人林木清苔
痕深草履瀑布滴銅瓶樂問山中事宵言徹曉星

秋暮與諸文士集宿姚端公所居

宵清月復圓共集侍臣筵獨寡區中學空論樹下禪風
多秋晚竹雲盡夜深天此會東西去堪愁又隔年

客中聞從兄島遊蒲絳因寄

遙遙行李心蒼野入寒深
吟待黃河雪眠聽絳郡砧
差期逢缺月訪信出空林
何處孤燈下只聞嘹唳禽

送李長吉之任東井

江盤棧轉虛候吏拜行車
家世維城後官資宰邑初
市饒黃犢賣田躡白雲
鉏萬里千山路何因欲寄書

宿安國簡公院

一作安國寺靜
居法師故院

雨後清涼境因還

一作過

欲不回井甘桐有露竹迸地多

苔幡映宮牆動香從御苑

一作殿

來青龍舊經疏

德山著
青龍疏

鈔
寥落有誰開

京口別崔固

積雨晴時近西風葉滿泉相逢嵩嶽客共聽楚城蟬宿
館橫秋島歸帆張遠田別君還寂寞不似剡中年

中秋夜隴州徐常侍座中詠月

隴城秋月滿太守待停歌與鶴來松杪開煙出海波氣
籠星欲盡光滿露初多若遣山僧說高明不可過

中秋江驛示韋益

莫惜三更坐難銷萬里情同看一片月俱在廣州城淚
逐金波滿魂隨夜鵲驚支頤鄉思斷無語到雞鳴

中秋臺看月

海雨洗煙埃月從空碧來水光籠草樹練影挂樓臺皓
耀迷鯨口晶熒失蚌胎宵分凭欄望應合見蓬萊

中秋夜南樓寄友人

海月出白浪湖光射高樓朗吟無綠酒賤價買清秋氣

冷魚龍寂輪高星漢幽他鄉此夜客對酌經多愁

弔從兄島

盡日歎沉淪孤高碣石人詩名從蓋代謫宦竟終身蜀
集重編否已儀薄葬新青門臨舊卷欲見永無因

題崔駙馬林亭

宮花野藥半相和藤蔓參差惜不科纖草連門留徑細
高樓出樹見山多洞中避暑青苔滿池上吟詩白鳥過
更買太湖千片石疊成雲頂綠嵒峨

送韓校書赴江西

車馬東門別，揚帆過楚津。
花繁期到幕，雪在已離秦。
吟落江沙月，行飛驛騎塵。
猿聲孤島雨，草色五湖春。
折葦鳴風岫，遙煙起暮蘋。
鄱江連郡府，高興寄何人。

送姚中丞赴陝州

二陝周分地，恩除左掖臣。
門闌開幕重，槍甲下天新。
夾道行霜騎，迎風滿草人。
河流銀漢水，城賽鐵牛神。
意氣思高謝，依違許上陳。
何妨向紅旆，自與白雲親。

送李使君赴瓊州兼五州招討使

分竹雄兼使南方到海行臨門雙旆引隔嶺五州迎
鶴同枝宿蘭蕉夾道生雲垂前騎失山豁去帆輕雨霧

一作露

蒸秋岬浪

一作潮

濤震夜城政閒開迴閣歌枕島風

清

送姚明府赴招義縣

濠梁古縣城結束赴王程道路攜家去波濤隔月行車

臨芳草下吏踏落花迎暮郭山遙見

一作在

春洲鳥不驚

風煙譙國遠桑柘楚田平何以書能化長淮徹海清

送杜司馬再遊蜀中

為客應非願愁成欲別時還遊蜀國去不惜杜陵期劍
水啼猿在關林轉棧遲日光低峽口雨勢出蛾眉山一作

川迴逢一作遲殘角雲開識遠夷勿令雙鬢髮併向錦城

衰

贈王將軍

勲高絕少年分衛玉階前雄勇明王重溫恭執友賢功

書唐史滿

一作闕

名到虜庭偏劔彩浮龍影衣香襲御煙

搜書秋霽閣走馬夕陽田急兔投深草瞋鷹下半天野

人盈

一作迎

邸第朝客醉盤筵位在

一作立

將軍列官隨憲府

遷刻心思報國吁氣欲開邊選帥如公議須知少比肩

寄羽林盧大夫將軍

將軍

一作焚香

直禁闈繡服耀

一作黃

金羈羽衛九天靜英豪

四塞知望雲回朔鴈隔水射宮廡

一作聽水入宮池

舊國無歸

思秋堂夢戰時門風荀氏敵劔藝霍家推計日旌旄下

蕭蕭萬馬隨

一作里追

書事寄萬年厲員外

帝城皆劇縣令尹美居東
遂拜趙張下暫離星象中
擁歸從北闕送上動南宮
舉起盆中日驅行草上風
不驚

盧犬

一作聞靈鵲

吠漸見夏臺空
紫禁黃山遶滄溟
素滄通

封疆親日月邑里出王公
逐盜千門啓興祥五稼豐
胥徒迎曉集賦稅共秋終
條教關天道歌謠入聖聰
土膏寒麥覆人海
晝塵蒙解宇松連翠
朝街日

一作火

散紅文

場新桂茂粉署舊蘭崇留客把

一作揮

盈爵抽毫詠早鴻

公與諸文士賦早鴻詩也

前騶潘岳貴故里邵平窮勸隱蓮峰久期

耕樹谷同鳬飛將去葉劒氣尚埋豐何必華陰土方垂

拂拭功

小雪

片片牙

一作下

玲瓏飛揚玉漏終

一作露中

乍微全滿地漸密

更無風集物圓方別連雲遠近同作膏凝瘠土呈瑞下

深宮氣射重衣透花窺小隙通

一作隙紛紜失藥叢飄秦增

舊嶺發漢攬長空迴冒巢松鶴孤鳴穴島蟲過三知臘
盡盈尺賀年豐委積休聞竹稀疎漸見鴻蓋沙資澶漫
灑海助冲融草木潛加潤山河更益雄因知天地力覆
育有全功

和賓客相國詠雪詩

近臘千巖白迎春四氣催雲陰連海起風急度山來盡
日隋堤絮經冬越嶺梅艷疑歌處散輕似舞時迴道蘊
詩傳麗相如賦騁才霽添松篠媚寒積蕙蘭猜暗漲宮

池水平封輦路埃燭龍初照耀巢鶴乍裊回簷日瓊先
挂牆風粉旋摧五門環玉壘雙闕對瑤臺綺席陵寒坐
珠簾遠曙開靈芝霜下秀仙桂月中裁卷幌書千帙援
琴酒百杯垂休編太史呈瑞表中台皓夜迷三徑浮光
徹九垓茲辰是豐歲歌詠屬良哉

中秋夜君山脚下看月

洶湧吹蒼霧朦朧吐玉盤雨師清滓穢川后掃波瀾氣
射繁星滅光籠八表寒來駟雲漲晚路上碧霄寬熠燿

遊何在蟾蜍食漸難
棹飛銀電碎林映白虹攢
水魄連空合霜輝壓樹乾
夜深高不動天下仰頭看

哭張籍司業

先生抱衰疾不起茂陵間
夕臨諸孤少荒居弔客還
遺文禪東岳留語葬鄉山
多雨銘旌故殘燈素帳閒
樂章誰與集壠樹即堪攀
神理今難問予將叫帝關

寄題廬山二林寺

廬岳東南秀花惠遠蹤
名齊松高

一作高

嶺峻氣比沃州

濃積岫連何處幽崖越幾重雙流湓隱隱九派棹憧憧

山限東西寺林交旦暮鐘半天傾瀑溜數郡見鑪峰巖

竝金繩道潭分玉像容江微匡俗路日杲晉朝松椶逕

新苞拆梅籬故葉壅嵐光生疊砌霞焰發高墉窗籟虛

聞狄庭煙黑過龍定僧仙嶠起逋客虎溪逢濩落垂楊

戶荒涼種杏封塔留紅舍利池吐白芙蓉畫壁披

一作和

雲見禪衣對鶴縫喧經泉滴漚沒履草丰茸翠竇欹攀

乳苔橋側杖筇探奇盈夢想搜峭滌心胸冥奧終難盡

登臨惜未從上方
薇蕨滿歸去
養乖慵

御溝水

鑿禁疏雲數道開
垂風岼柳拂青苔
銀波玉沫空池去
曾歷千巖萬壑來

中秋月彩如畫寄上南海從翁侍御

海靜天高景氣殊
鯨睛失彩蚌潛珠
不知今夜越臺上
望見瀛洲方丈無

御定全唐詩卷八百十四

欽定四庫全書薈要卷一萬八千二百二十

集部

御定全唐詩卷八百十五

皎然

皎然名晝姓謝氏長城人靈運十世孫也居杼山文章
雋麗顏真卿韋應物並重之與之酬倡貞元中敕寫其
文集入於祕閣詩七卷

奉酬于中丞使君郡齋卧病見示一首

宿昔祖師教了空無不可枯槁未死身理心寄行坐仁

公施春令和風來澤我生成一草木大道無負荷論入
空王室明月開心胃性起妙不染心行寂無蹤若非禪
中侶君為雷次宗比聞朝端名今貽郡齋作真思凝瑤
瑟高情屬雲鶴挾得驪龍珠光彩曜掌握若作詩中友
君為謝康樂盤薄西山氣貯在君子衿澄澹秋水影用
為字人心羣物如鳬鷺遊翔愛清深格居第一品高步
凌前躅精義究天人四坐聽不足伊昔柳太守曾賞汀
洲蘋如何五百年重見江南春公每省往事詠歌懷昔

辰以茲得高卧任物化自淳還因訪禪隱知有雪山人

贈李中丞洪一首

深沈閫外畧

一作權

奕世當榮寄地裂大將封

一作軍

家傳

介珪瑞至今漳河俗猶受仁人賜公初鎮惟邢

一作淮荆

決

勝無精兵重圍逼大敵六月守孤城政用仁恕立恩繇

賞罰明遂令麾下士感德不顧生於時聞王師諸將兵

頗黷天子狩南漢烟塵滿函谷純臣獨耿介下士多反

覆明公仗忠節一言感萬夫物性如蒺藜化作春蘭敷

見說一作讒

金被爍終期玉有瑜移官萬里道君子情何

如伊昔避事心乃是方袍客頓了空王一作心

旨仍高致

君策安知七十年一朝值宗伯言如及清風醒然開我

懷宴息與遊樂

一作邀

不將衣褐乖海底取明月鯨

一作衝

波不可度上有巨蟒吞下有

一作多

毒龍護一與吾師言

乃於中心悟吐哉冥冥子胡為自塵污

一作塵自污

杼山禪居寄贈東溪吳處士馮一首

青雲何潤澤下有賢人隱路入菱湖深跡與黃鶴近野

風吹白芷山月搖清軫詩祖吳叔庠致君名一作才不盡

身當青山秀

詩曰家住青山下青山有吳筠故宅後改為吳筠山

文體多郢聲澄

澈湘水碧沈寥楚山

一作天

青一作清

時人格不同至今罕

知名昔賢敦師友此道君獨行既得廬霍趣乃高雷遠
情別時春風多掃盡雪山雪為君中夜起孤坐石上月
悠然遺塵想邈矣達性說故人不在茲幽桂惜未結

妙喜寺高房期靈澈上人不至重招之一首

晨起峯頂心懷人望空碧掃雪開寺門灑水淨僧席言

笑形外阻風儀想中覲馳心驚葉動傾耳聞泉滴豈慮
咆虎逢乍疑崩湍隔前期或不顧知爾隳常格如今誰
山下一作下山秋霖步浙瀝吾亦聊自得行禪荷輕策松聲
暢幽情山意導遐跡舉目無世人題詩足奇石貧山何
所有特此邀來客

奉和薛員外誼贈湯評事衡反招隱之跡一作作

兼見寄十二韻

喜友稱高儒曠懷美無度近為東田誘遂耽西山趣庭

有介隱心得無雲泉誤府公中司貴頻貽咫尺素郡佐
仙省高亦贈瓊瑤句誚茲長往志紆彼獨遊步禪子方
外期夢想山中路艱難親稼穡晨夕苦烟霧曷若孟嘗
門日榮國士遇鏗鏘耿綺瑟攀折邇瓊樹幽踐隨鹿麋
久期怨蟾兔情同不繫舟有跡道所惡

荅黎士曹黎生前適越後之楚

楚木紛如麻高松自孤直願得苦寒枝與君比顏色故
鄉眇天末羈旅滄江隅委質在忠信苦心無變渝何繇

表名義贈君金轆轤何以美知才投我懸黎珠遽為千

里別南風思越絕愛君隨海鷗倚櫂宿沙月不栖惡木

上肯蹈巴蛇穴

台人表朝逆命故君不踐其土

一上蕭然峯擬蹤幽人

轍晨興獨西望郢水期沂沿夜到洞庭月秋經雲夢天
黎生知吾道此地不潜然欲寄楚人住學挈漁子船柰
何北風至攪我窓中絃遊子動歸思江籬亦綿綿篋中
封禪書欲獻無繇緣豈乏晨風翼翻飛到日邊

荅豆盧次方

吾愛道交論為高貴世名昔稱柴桑令今聞豆盧生彼
生清淮氣獨鍾文中彩近作公讌詩如逢何柳在吾用
古人耳採君四坐珍賢士勝朝暉溫溫無冬春朝暉爍
我肌賢士清我神微爾與雲鵠幽懷何繇申別來秋風
至獨坐楚山碧高月當清冥禪心正寂歷增波徒相駭
人遠情不隔有書遺瓊什以代貂襜褕風教凌越絕聲
名掩吳趨懸壁安可酬徙倚還踟躕

荅蘇州韋應物郎中

詩教殆淪缺庸音互相傾忽觀風騷韻會我夙昔情蕩
漾學海資鬱為詩人英格將寒松高氣與秋江清何必
鄴中作可為千載程受辭分虎竹萬里臨江城到日掃
煩政況今休黷兵應憐禪家子林下寂無營跡隳世上
華心得道中精脫畧文字累免為外物撓書衣流埃積
硯石駁蘚生恨未識君子空傳手中瓊安可誘我性始
願愆素誠為無驚驚音繼公雲和笙吟之向禪藪反媿
幽松聲

荅鄭方回

獨禪外念入中夜不成定顧我顛顚容澤君陽春詠詞
貞思且逸瓊彩何暉映如聆雲和音況覩聲名盛琴語
掩為去聲聞小心聲宜聽是時寒光澈萬境澄以淨高秋

日月清中氣天地正遠情偶茲夕道用增寥曠思君處
虛空一操不可更時美城北徐家承谷口鄭軒車未有
轍蒿蘭且同徑莊生誠近名夫子罕言命是以一作時耕

楚田曠然殊獨行萎蕤鸞鳳彩特達珪璋性通隱嘉黃

綺高儒重荀孟世汚

平聲

我未起道塞吾猶病逸翮思冥

冥潛鱗樂游泳宗師許學外恨不逢孔聖說詩迷頽靡

偶俗傷趨競此道誰共

一作共誰

詮因君情欲罄

荅俞校書冬夜

夜閒

一作來

禪用精空界亦清迴子真仙曹吏好我如宗

炳一宿覲幽勝形清煩慮屏新聲殊激楚麗句同歌郢

遺此感予懷沈吟忘夕永月彩散瑤碧示君禪中境真

思在杳冥浮念寄形影遙得四明心

荅四明

何須蹈岑嶺

詩情聊作用空性惟

一作復

寂靜若許林下期看君辭簿

領

妙喜寺達公禪齋寄李司直公孫房都曹德裕
從事方舟顏武康士騁四十二韻

我祖傳六經精義思朝徹

莊子曰守之九日而後能外生外生而後能朝徹

方

舟頗周覽逸書亦備閱墨家傷刻薄

墨流刻薄而不仁可以理身不可以

濟世儒氏知優劣弱植庶可彫苦心未嘗輟中年慕仙術

永願傳其訣歲駐若木景日餐瓊禾屑嬋娟羨門子斯

語豈徒設天上生白榆歲蕤信好折實可反柔顏花堪

養玄髮求之性分外業棄金亦竭藥化成白雲形彫辭

素穴

素穴山名

一聞西天旨初禪已無熱

第四禪中有天名無熱無三災之患

故以為名今初禪即得蓋詩人美已證超出常

涓子非我宗公然有真訣却尋

丘壑趣始與纓紱別野飯敵膏粱山楹代藻枕與君北

巖侶遊寓日常眈靜對春谷泉晴披陽林雪境清覺神

王道勝知機滅詣寂長杳冥忘歸暫采擷物生豈有心

麗容俟予別桂子何莫苓琪葩亦皎潔此木生意高亦

與衆芳列賞墨識屢換省躬悟彌切微尚若不虧足以
全吾節北風吹蕙帶蕭寥聞蜻蛚宿昔廬峯期流芳已
再歇不有清屏鑒使我商弦絕願寄千里心月高不可
掇優游邦之直遠矣踵前列立俗忘毀譽遇物遺巧拙
真氣獨條然軒裳詎能絀都曹風韻整綱紀信明決於
交必傾寫立行豈矜伐政與清渭同分流自澄澈裴侯
資亮直中誠豈徒說古人比明義清士願交結溫溫躬
珪彩終始聲不缺顏生炯介士有志不可越仗義冒險

難一作艱

持操去淄涅世論高二賢

即魯公猶子也

賢賢繼前哲

四子遭明盛哀然皆秀傑理名雖殊跡悟道寧異轍愛爾竹柏姿為予寒不折

遥酬袁使君高春暮行縣過報德寺見懷

江春行求瘼偶與真境期見說三陵下前朝開佛祠停舟仰麗剎繡組發香墀咫尺空界色天人花落時盛游限羸疾悚踴瞻旌旗峯翠羨閒步松聲入遥思素高淮陽理況負東山姿迨此一登覽深情見新詩

冬日遙

一作奉

和盧使君幼平綦母居士遊法華

寺高頂臨湖亭

一作奉和盧使君幼平遊朝陽山寺臨太湖時在郭不得往

仁坊

一作祠

標

一作當

絕境廉守

一作明牧

躡高

一作靈

蹤天曉纔

分剎風傳欲盡鐘

一作欲到心涼地初聞斷續鐘

城中歸路遠

一作在

湖

上碧山重水照千花界雲開七葉峯寒芳

一作空

艾綬滿

空

一作晴

翠白綸濃逸韻知難繼佳遊恨不逢仍聞撫禪

石為我久從容

秋日遙和盧使君遊何山寺宿敝上人房論涅槃

槃經義

江郡當秋景期將道者同跡高憐竹寺夜靜賞蓮宮古
磬清霜下寒山曉月中詩情緣境發法性寄筌空翻譯
推南本何人繼謝公

酬秦山人系題贈

出齋步杉影手自開禪扉花滿不污地雲多從觸衣思
山石蘚淨款客露葵肥果得宗居士論心到極微

奉酬袁使君高寺院新亭對雨

其亭即使
君所創

茲亭跡素淺勝事併隨公法界飄香雨禪窓灑竹風浮
烟披夕景高鶴下秋空冥寂四山久寧期此會同

奉酬顏使君真卿見過郭中寺寺無山水之賞
故予述其意以答焉

州西柳家寺禪舍隱人間證性輕觀水棲心不買山履
聲知客貴雲影悟身閑彥會前賢事方今可得攀

酬烏程楊明府華雨後小亭對月見呈

夜涼喜無訟霽色搖閒情暑退不因雨陶家風自清凝

弦傳片景發詠靜秋聲何事禪中隱詩題忽記名

自蘇州訪醫迴酬盧士闕判官見贈

尋醫初疾理忽憶故山雲
遠訪桑公子還依柳使君
周旋承惠愛佩服比蘭薰
從事因高唱秋風起處聞

題沈

一作雷

道士新亭

何處好攀躋新亭俯舊溪
坐中千里近簷下四山低
小浦依林曲迴塘遶郭西
桃花春滿地歸路莫相迷

送盧仲舒移家海陵

世故多離散東西不可嗟
小秦非本國楚塞復移家
海島無鄰里鹽居少物華
山中吟夜月相送在天涯

陪盧使君登樓送方

一作萬

巨之還京

萬里汀洲上東樓欲別難
春風潮水漫正月柳條寒
旅逸逢漁浦清高愛鳥冠
雲山寧不起今日向長安

同裴錄事樓上望

一本此下有月字

退食高樓上湖山向晚晴
桐花落萬井月影出重城
水竹涼風起簾幃暑氣清
蕭蕭獨無事因見涖人情

寓興

天下

一作上

生白榆白榆直上連天根高枝不知幾萬丈

世人仰望徒攀援誰能上天採其子種向人間笑桃李

因問老仙求種法老仙哈我愚不答

一作哈哈不我答

始知此

道無所

一作終無

成還如瞽夫學長生

寄常一上人

雁塞

一作寒雁

五山臨汗漫雲州一路出青冥何因請住嘉

祥寺內史新修湖上亭

送秘上人遊京

共君方異路，山伴與誰同。
日冷行人少，時清古鎮空。
煖瓶和雪水，鳴錫帶江風。
撩亂終南色，遙應入夢中。

賦得

一本此下有巴峽二字

啼猿送客

萬里巴江外

一作水

三聲月

一作出

峽深何年有此路，幾客

共霑襟斷壁

一作臂

分垂

一作連一作重

影流泉入苦吟，淒涼離

別後

一作淒淒別離處

聞此更傷心

南樓望月

夜月家家望亭亭愛此樓纖雲溪上斷疎柳影中秋漸

映千峯出遙分萬派流關山誰

一作時

復見應獨起邊愁

尋陸鴻漸不遇

移家雖

一作唯

帶郭野徑入桑麻近種籬邊菊秋來未著

花扣門無犬吠欲去問西家報道山中去

一作出

歸時每

日斜

一作歸來日每斜

懷舊山

一作滄浩詩題云留別嘉興知己

一坐西林寺從來未下山不因尋長者無事到人間宿

雨愁為客寒花笑未還空懷舊山月童子念經閑

宿吳匡山破寺

雙峯百戰後真界滿塵埃蔓草緣空壁悲風起故臺野
花寒更發山月暝還來何事池中水東流獨不迴

九月十日

愛殺柴桑隱名溪近訟庭掃沙開野步搖舸出閒汀宿
簡邀詩伴餘花在酒瓶悠然南望意自有峴山情

秋晚

一作秋晚

宿破山寺

秋風落葉滿空山古寺

一作殿

殘燈石壁間昔日經行人

去盡寒雲夜夜自飛還

青陽上人院說金陵故事

君說南朝金盛日秣陵才子更多人千

一作十

年秋色古

池館誰見齊王西邸春

送僧之京師

綿綿渺渺楚雲繁萬里西歸望國門禪子初心易悽斷
秋風莫上少陵原

送許丞還洛陽

剡茗情來亦好斟
空門一別肯霑襟
悲風不動罷瑤軫
忘却洛陽歸客心

題湖上草堂

山居不買剡中山
湖上千峯處處閒
芳草白雲留我住
世人何事得相關

酬李司直繼諸公冬日遊妙喜寺題照昱二上人房寄長城潘丞述

達賢貴貞隱常懼跡不滅遂與永公期遺身坐林樾華
軒何麟麟為我到幽絕心境寒草花空門青山月潘生
獨不見清景屢盈缺林下常寂寥人間自離別何時解
輕佩來稅丘中轍

贈烏程李明府伯宜沈兵曹仲昌

水國苦彫瘵東臯豈遺黍雲陰無盡時日出常帶雨昨
夜西溪漲扁舟入簷廡野人同鳥巢暴客若蜂聚歲晏
無斗粟寄身欲何所空羨鸞鶴姿翩翩自輕舉

奉酬顏使君真卿王員外圓宿寺兼送員外使
迴

魯公邀省客貧寺人過少錦帳惟野花竹屏有窓篠朝
行石色淨夜聽泉聲小釋事情已高依禪境無擾超遙
長路首悵望空林杪離思從此生還將此心了

杼山上峯和顏使君真卿袁侍御五韻賦得印
字仍期明日登開元寺樓之會

道情寄遠岳放曠臨千仞香路延絳駒華泉寫金印日

歌諸天近雨過三華潤留客雲外心忘機松中韻靈嘉
早晚期為布東山信

同薛員外誼喜雨詩兼上楊使君

積旱忽

一作思

飛澍

一作灑

烝民心

一作喜

亦傾郊雲不待族

雨色飛江城焦稼濯又發敗荷滋更榮時隨霧縠重乍

集柳絲輕一宿恐魚飛數朝徵鸛鳴毒暑澄為冷高塵

滌還清乃知陰隲數制在造

一作理

化情及此接歡賀臨

風聞頌聲

南湖春泛有客自北至說友人岑元和見懷因
叙相思之志以寄焉

故人隔楚水日夕望芳洲春草思眇眇征雲暮悠悠心
期無形影跡曠成阻修有客江上至知君佐雄州鏗鏘
佩蒼玉躑躅驅絳騶伊昔中峯心從來非此流資予長
生訣予嘗授以胎息之訣希彼高山儔此情今如何宿昔師吾謀
別後謁禪老更添石室籌深見人間世飄如水上漚蟬
號齊王邸月苦隋帝樓聲華盡冥冥麋鹿徒呦呦我有

一字教坐然遺此憂何煩脫珪組不用辭王侯祇在名
位中空門兼可遊

同薛員外誼久旱感懷寄兼呈上楊使君

皇天鑒不昧恤想何亢極絲雨久愆期綺霞徒相惑陰
雲舒又卷濯枝安可得涸井不羸瓶乾溪一憑軾赤地
芳草死飈塵驚四塞戎寇夜刺閨民荒歲傷國賴以王
猷盛中原無凶慝楊公當此晨省災常旰食獨感下堂

雨

自州南諸鄉降甘澤長城顧渚
平地雨一尺水分流澤數鄉也

偏嘉越境域秋郊天

根見我疆看稼穡請迴雲漢詩為君歌樂職

兵後早春登故鄣南樓望崑山寺白鶴觀示清

道人并沈道士

第十九句
空一字

新陽故樓上眇眇傷遐睎違世情易忘羈時得無倦春
歸華柳發世故陵谷變擾擾陌上心悠悠夢中見蒼林
有靈境杳映遙可羨春日倚東峰華泉落西甸鐘聲在
空碧幡影搖蔥蒨緬想山中人神期如會面別離芳月
積岐路浮雲徧正入空門仙君依苦縣隳形捨簪紱

烹玉思精鍊事外宜我心人間豈予戀身遺世自薄道
勝名必賤耳目何所娛白雲與黃卷

酬烏程楊明府華將赴渭北對月見懷

釋印及秋夜身閒境亦清風襟自瀟灑月意何高明聞
說武安君萬里驅妖精開府集秀士先招士林英晉家
用元凱亦是魯諸生北望撫長劒感君知己行邊塵昏
玉帳殺氣凝金鐙大敵折齊組一書下聊城翻飛青雲
路宿昔滄洲情

荅來詩云悠然
顧山侶之句

酬邢端公濟春日蘇臺有呈袁州李使君兼書
并寄辛陽王三侍御

大賢當佐世堯時難退身如何丹霄侶却在滄江濱柳
色變又徧鶯聲聞亦一作又頻賴逢宜春守共賞南湖春

營道知止足飾躬無緇磷家將詩流近跡與禪僧親放
曠臨海門翱翔望雲津雖高一作多空王說不久山中人

上句答端公
學無為之句

奉和裴使君青春夜南堂聽陳山人彈白雪

春宵凝麗思閒坐開南園郢客彈白雪紛綸發金徽散
從天上至集向瓊臺飛弦上疑颯颯虛中想霏霏通幽
鬼神駭合道精鑒稀變態風更入含情月初歸方知阮
太守一聽識其微

荅孟秀才

羸疾依小院空閒趣自深躡苔憐靜色掃樹共芳陰物
外好風至意中佳客尋虛名誰欲累世事我無心投贈
荷君芷馨香滿幽襟

酬崔侍御見贈

買得東山後逢君小隱時五湖遊不厭

一作未足

柏署跡如

遺市隱

一作儒服

何妨道禪棲

一作心

不廢詩與君為此說

一作從

居士說

長破小乘疑

一本無前四句

贈柳喜得嵩山法門自號嵩山老

一作贈柳先生

一見嵩山老吾生恨太遲問君年幾許曾出

一作見

上皇

時

酬李補闕紓

不住東林寺雲泉處處行近臣那得識禪客本無名

湖南蘭若示大乘諸公

未到無為岸空憐不繫舟東山白雲意歲晚尚悠悠

兵後經永安法空寺寄悟禪師

其寺賊所焚

常說人間法自空何言出世法還同微蹤舊是香林下
餘燼今成火宅中後夜池心生素月春天樹色起悲風
吾知世代相看盡誰悟浮生似影公

春日杼山寄贈李員外縱

南山唯與北山鄰古樹連拳伴我身一作一閑禪門老此身黃鶴

有心多不住白雲無一作何事獨相親間持竹錫深一作時一作

行一作作看水嬾繫麻衣出見人欲掇幽芳聊贈遠一作幽蘭從欲

寄郎官那賞一作許石門春

酬秦山人贈別二首

知君高隱占賢星卷葉時時注佛經姓被名公題舊里

秦君詩將麗句號新亭麗句亭來觀新月依清室欲漱香

泉護觸瓶我有主人江太守如何相伴住禪靈江淹為宣城守

常會禪
靈寺

誰知卧病不妨禪跡寄詩流性似偏葉示黃金童子愛
書題青字古人傳時高獨鶴來雲外每羨閒花在眼前
對此留君還欲別應思石潏音四訪春泉

山居一作歸示靈澈上人

晴明路出山初暖行踏春蕪看茗歸乍削柳枝聊代札
時窺雲影學裁衣身閒始覺隳名是心了方知苦行非
外物寂中誰似我松聲草色共無一作忘機

遥和康錄事李侍御萼小寒食夜重集康氏園
林

習家寒食會何頻，應恐流芳不待人。
已愛治書詩句逸，更聞從事酒名新。
庭蕪暗積承雙履，林鶻雷飛灑幅巾。
誰見柰園時節共，還持綠茗賞殘春。

釋裒循春愁

一作怨

蝶舞鶯歌喜歲芳，柳絲裊裊蕙帶長。

一作蘭香

江南春色共

君有一作看
何事君心獨自傷

西白溪期裴方舟不至

望君不見復何情
野草閒雲處處生
應向秦時武陵路
花間寂歷一人行

勞山憶棲霞寺道素上人久期不至

遠寺蕭蕭獨坐心
山情自得趣何深
泉聲稍滴芙蓉漏
月影纔分鸚鵡林
滿地雲輕長礙屐
繞松風近每吹襟
貪閒不記前心偈
念別聊為出世吟
更待花開徧山雪
山山相似若為尋

酬秦山人出山見呈

手攜酒榼共書幃迴語長松我即歸若是出山機已息
嶺雲何事背君飛

酬秦山人見尋

左右香童不識君擔簦訪我領鷗羣山僧待客無俗物
唯有窓前片碧雲

宿法華寺簡靈澈上人

至道無機但一作心與空林共杳冥孤燈寒竹自青一作榮榮不

知何處小乘客一夜風來

一作前

聞誦經

潛別離

烏頭雖黑白有

一作有白

時唯有潛離與暗別彼此甘心無

後期

御定全唐詩卷八百十五

謹案卷八百十一第一頁後二行題王喬觀傳道士所居刊本居訛得據別本改

第二頁後二行許州鄭使君孩子按才調集鄭作趙

第六頁前六行離亭不惜花源醉按別本亭作筵
卷八百十二第二頁後七行天官新拜漢中郎按
才調集新作親

卷八百十五第十九頁前二行栢署跡如遺按才

調集署作樹

第十九頁前三行一從居士說按一從上當有一
作二字

監生會同

總校官庶吉士臣張能照

校對官中書臣張塤

校對官編修臣閔惇大

膳錄監生臣李青標

膳錄監生臣吳魯田

欽定四庫全書薈要

集部

御定全唐詩卷八百十八

六至

欽定四庫全書薈要卷一萬八千二百二十一

集部

御定全唐詩卷八百十六

皎然

奉酬袁使君高春遊鵲鵒峯蘭若見懷



鵲鵒中峯近高奇古人遺常欲乞此地養松挂藤絲昨

聞雙旌出一川花滿時恨無翔雲步遠赴關山期躋險
與誰賞折芳應自怡遙知忘歸趣喜得春景遲已見郢
人唱新題石門詩

答裴濟從事

遲遲雲鶴意奮翅知有期三秉綱紀局累登清白資應
懷青塘居蕙草沒前墀舊月照秋水廢田留故陂至今
高風在為君吹桂枝昨逢洞庭客果得故人詩何異王
內史來招道林師欲攜山侶出難與白雲辭

白雲上人精舍尋杼山禪師兼示崔子向何山
道上人

望遠涉寒水懷人在幽境為高皎皎姿及愛蒼蒼嶺果

見栖禪子潺湲灌真頂積疑一念破澄息萬緣靜世事
花上塵惠心空中境清閒誘我性遂使腸一作煩慮屏許
共林客遊欲從山王一作主請木栖無名樹水汲忘機井
持此一日高未肯謝箕穎夕霽山態好空月生俄頃識
妙聆細泉悟深滌清茗此心誰得失笑向西林永

酬薛員外誼苦熱行見寄

六月金數伏茲辰日在庚炎曦爍

一作曝

肌膚毒霧

一作靄

昏性情

一作檐楹

安得奮輕

一作翅

翮超

一作追

遙出雲征不知

天地心如何匠生成火德燒百卉瑤草不及榮省一作有

客當此時忽貽懷中瓊捧翫煩袂一作袷滌嘯歌美一作善

風生遲君佐元氣調使四序平中令霜不被一作祆大作一作

火餘氣常貞江南詩騷客休吟苦熱行

採實心竹杖寄贈李萼侍御

竹杖裁碧鮮步林賞高直實心去內矯全節無外飾行
藥聊自持扶危資爾力初生在榛莽孤秀豈封殖干雪
不死枝贈君期君識

酬薛員外誼見戲一首

方知正始作麗掩碧雲詩文彩盈懷袖風規發詠思遺
弓逢大敵摩壘怯偏師頻有移書讓多慙繫組遲淺才
迂且拙虛譽喜還疑猶倚披沙鑒長歌向子期

奉酬李中丞洪湖州西亭即事見寄兼呈吳馮
處士時中丞量移湖州長史

愛君溪上住遲月開前局山火照書卷野風吹酒瓶為
誰留此物意在眼中青樵子逗烟墅漁翁宿沙汀主人

非楚客莫謾譏獨醒宿昔邢城功道高心已冥貪將到處士放醉烏家亭

茗溪草堂自大歷三年夏新營泊秋及春彌覺境勝因紀其事簡潘丞述湯評事衡四十二韻

萬慮皆可遺愛山情不易自從東溪住始與人羣隔應物非宿心遺身是吾策先民崆峒子淪景事金液綺里猶近名於陵未泯跡吾師逆流教禪隱殊古昔

僧傳云人皆隱

於山我獨隱於禪

洗足臨潺湲銷聲寄松柏緬荷採堪服柔草

持可席道心制野猿法語授幽客境淨萬象真寄目皆

有益原上無情花

聖教意草木等器世間雖無情而理性通又云鬱鬱黃花無非般若是其

義

山中聽經石

高僧詮公詩曰學徒數塊石生公有通經石

竹生自蕭散雲

性常潔白却見羈世人遠高摩霄翮達賢觀此意煩想

遂冰蘖伊予戰苦勝覽境情不溺智以動念昏功繇無

心積形骸爾何有生死誰所戚為與勝悟冥不憂顏齡

迫春風自駘蕩禪地常閒寂擲札成柳枝

僧傳北達法師作涅槃經

疏畢擲札於庭柳枝生焉漑瓶養泉脈道人知止足盥漱聊自適學

外見古賢頗令我心惕眇綿雲官世夢幻羽陵籍鬼錄
徒相矜九原誰家宅俗情封淺近至理昧堯跖蹈善嗟
沈冥履仁傷埋阨匠心聖亦尤攻異天見責

世論謂堯聖德而嗣

不肖盜跖毀行而享長富無福仁禍淫之應師心攻異之士反怨天責聖不知有昭昭之業論空者又失性空
之試以慧眼觀斯言諒可覲外事非吾道忘緣倦所歷

中宵廢耳目形靜神不役色天夜清迴花漏時滴瀝

高僧

遠公刻蓮花漏

東風吹杉梧幽月到石壁此中一悟心可與千

載敵故交徒好我筐中無咫尺潘生入空門祖師傳秘

蹟潘生曾受曹溪禪門

湯子自天德精詣功不僻放世與成名兩

圖在所擇

達公謂劉處士云世間唯是想耳苟放有世之見心即道豈有世外物來羈爾耶

吾

高鷗夷子身退無瑕摘吾嘉魯仲連功成棄珪璧二賢

兼彼才晚節何感激不然作山計改服我下澤君隳元

亮冠我脫潛師屐

僧傳沙門法潛著山屐入朝

倚卧高松根共逃金

閨籍

荅裴集陽伯明二賢各垂贈二十韻今以一章

用酬兩作

知音如瓊枝天生為予有攀折若無階何殊天上柳裊

生清通嗣陽子盛德後詩名比元長

二子詩比王融為俱少年著名

賦

體凌延壽

賦如文考亦俱成年

珠生驪龍頷或生靈蛇口何似雙

瓊章英英曜吾手白日不可汙清源肯容垢持此山上

心待君忘情友且伴丘壑賞未隨名宦誘坐石代瓊茵

製荷捐艾綬清宵集我寺烹茗開禪牖發論教可垂正

文言不朽白雲供詩用清吹生座右不嫌逸令醉莫試

仙壺酒皎皎尋陽隱千年可為偶一從漢道平世事無

紛紜星文齊七政天軸明二斗召士揚弓旌知君一作君今
在林藪莫學潁陽子請師高山叟出處藩我君還來會
厓阜

荅豆盧居士春夜遊東園見懷

春意賞不足承夕步東園事表精慮遠月中華木繁開
襟寄清景遐想屬空門安得纚芳屣看君幽徑萱

寄崔萬芳夔

氣殺高隼擊惜芳步寒林風搖蒼琅根霜剪收音翹遙心

歸思忽眇眇佳氣亦沈沈我身豈遐遠如隔湘漢深事
邇智莫及願乖情不任遲君忘言侶一笑開吾襟

訪朱放山人

野人未相識何處異鄉隔昨逢雲陽信教向雲陽覓空
聞天上風飄颻不可覲應非矍鑠翁或是滄浪客早晚
從我遊共攜春山策

晚冬廢溪東寺懷李司直縱

廢溪無人跡益見離思深歸來始昨日恍惚驚歲陰清

想屬遙夜圓景當空林宿昔月未改何如故人心遊從
間芳趾搖落棲寒岑眇眇湖上別含情初至今道流安
寂寞世路倦嶮嶽此意欲誰見懷賢獨難任徽聲反冥
默夕籟何哀吟禪念破離夢吾師誠援琴耿耿已及旦
曷繇開此襟幽期諒未偶勝境徒自尋安得西歸雲因
之傳素音

兵後與故人別予西上至今在楊楚因有是寄
日月不相待思君魂屢驚草玄寄揚子作賦得蕪城溫

溫獨游跡遙遙相望情淮上春草歇楚子秋風生辟士
天下盡君何獨屏營運開應佐世業就可成名誰借楚
山住年年事耦耕

因遊支硎寺寄邢端公

大廈資多士掄材得豫章清門推聞望早歲騁康莊作
用方開物聲名久擅場丹延分塞郡宿昔領戎行始馭
屏星乘旋陰蔽芾棠

始佐延州
俄典茲郡

朝端瞻鶚立闕右仰鷹

揚威令兼寧朔英聲重護羌三軍成父子雜虜避封疆

身執金吾貴時遭寶運昌雍容持漢綃肅穆衛周堂排

難知臣節攻疑定國章一言明大義千載揖休光踐職

勲庸列

烈一作

修躬志行彰優游應慕陸止足定師張中

宸懷殊政南州佇小康仁為桂江雨威是柏臺霜

自桂州除

侍御史

謇諤言無隱公忠禍不防譴深辭紫禁恩在副朱

方

左遷温州治中量移潤州長史

切玉鋒休淬垂天翅罷翔論文徵賈

馬述隱許求羊肘後看金碧腰間笑水蒼詩題白羽扇

酒挈綠油囊曠達機何有深沈器莫量時應登古寺佳

趣在春岡止水平香砌鮮雲滿石牀山情何寂樂塵世
自飛揚已遇鑪峯社還思緝蕙房外心親地主內學事
空王花會宜春淺禪遊喜夜涼高明依月境蕭散躡庭
芳得道殊秦佚隱名似楚狂餘生於此足不欲返韶陽
同諸公奉侍祭岳瀆使大理盧幼平自會稽迴
經平望將赴於朝廷期過故林不至

用題
中韻

望祀崇周典皇華出漢庭紫泥頒會計玄酒薦芳馨聖
慮多虔肅

一作祈
多祐

齋心合至靈占祥刊史竹筮日數堯

奠禮秩加新命朝章篤

一作重

理刑敷誠通北

一作九

闕遺

愛在南

一作西

亭

一本此下有五

銘躊躇問存歿委曲向郊垌四句

務歌仍詠三碑石重

茗

水思曾泛磯山憶重經清風門客仰佳頌國人聽攀桂

留卿月徵文待使星春郊迴駟牡遙識故林青

早秋桐廬思歸示道諺

一作該

上人

桐江秋信早憶在故山時靜夜風鳴磬無人竹掃墀

來觸淨水鳥下啄寒梨可即

一作何暇

闕吾事歸

一作闕

心自

有期

勞勞山

一作勞山

居寄呈吳處士

山事繇來別只應中老身寒園掃綻栗秋浪拾乾薪

楚人

呼養衆為秋浪

領鶴閒書竹誇雲笑向人俗家

一作流

相去遠野

水作東鄰

寄報德寺從上人

鼓吹山在寺西

宗流許身子物表養高閒空色清涼寺秋聲鼓吹山看
心水磬後行道雨花間七葉翻章句時時啟義關

山中月夜寄無錫長官

湖上涼風早，雙峯月色秋。
遙知秣陵令，今夜在西樓。
別葉蕭蕭下，含霜處處流。
如何共清景，異縣不同遊。

奉賀顏使君真卿二十八郎隔絕自河北遠歸

相一作自

失值氛煙纔應掌，上年久離驚貌長。
多難喜身

全比信尚書，重如威太守。
憐滿庭看玉樹，更有一枝連。
題湖上蘭若示清會上人

峯心惠忍寺，嵒頂謝公山。
何似南湖近，芳洲一畝間。
意中雲木秀，事外水堂閒。
永日無人到，時看獨鶴還。

秋宵書事寄吳憑處士

一本無處士二字

真

一作禪

性在

一作愛

方丈寂

一作寥

寥無四鄰秋天月色正

清夜道心真大夢觀前事

一作遺蹟

浮名悟

一作誤

此身不知

庭樹意榮落感何人

題山壁示道維上人

獨居何意足山色在前門身野長無事心冥自不言閒
行數亂竹靜坐照清源物外從知少禪徒不耐煩

晚秋登佛川南峯懷裴例

登嶺望落日眇然傷別魂
亭臯秋色徧遊子在荆門
世故東西客山空斷續猿
此心誰復見寂寞偶芳蓀

訪陸處士羽

一作訪陸羽
處士不遇

太湖東西路吳主

一作王

古山前所思不可見歸鴻

一作雁

自翩翩何山賞春茗何處弄春泉
莫是滄浪子悠悠一釣船

酬李侍御萼題看心道場賦以睂毛腸心牙等

五字

畫得牙字

我法從誰悟心師是貫花三塵觀種子一雨發萌牙定

起輪燈缺宵分印月斜了空如藏史始肯會禪家

辯正
論亦

有九流一曰

禪家者流

酬姚補闕南仲雲溪館中戲題隨書見寄

一作
清江

詩

寺溪臨使府風景借仁祠補袞周官貴能名漢主思卧
雲知獨處望月憶同時忽枉緘中贈瓊瑤滿手持

春夜期裴都曹濟集心上人院不至

東林期隱吏日月為虛盈
遠望浮雲隔空憐定水清
遙方外侶荏苒府中情
漸聽寒鞞發淵淵在郡城

和裴少府懷京

一本有都字

兄弟

宦遊三楚外家在五陵原
涼夜多歸夢秋風滿故園
北書無遠信西候獨傷魂
空念青門別殷勤岐路言

和閻士和望池月荅人

片月忽臨池雙蛾憶畫時
光浮空似粉影散不成
蒼孤枕應驚夢寒林正入
帷情知兩處望莫怨獨相思

遙和塵上人與陸澧夜集山寺問涅槃義兼

賞陸生文卷

上人自號北山子

共是竹林賢

孫綽僧史以七人配德嵇阮號竹林七僧

心從貝葉傳說經看

月喻

一作過

開卷愛珠連清淨遙城外蕭疎

一作條

古塔前

應隨北山子高頂枕雲眠

春日和盧使君幼平開元寺聽妙奘上人講

時上

人將遊

五臺

仁聖垂文在虛空日月懸陵遲追哲匠宗旨發幽詮法

受諸侯請心教四子傳春生雪山草香下棘林天顧我
從今日聞經悟宿緣涼山萬里去應為教猶偏

荅李侍御問

入道曾經離亂前長干古寺住多年愛貧唯製蓮花足
取性閒書樹葉篇自笑不歸看石牓誰高無事弄苔泉
身外空名何足問吾心已出第三禪

奉酬李員外使君嘉祐蘇臺屏營居春首有懷

昔歲為邦初未識今朝休沐

一作宜

始相親移家水巷貧

貪一作

依靜種柳風窓欲占春詩思先邀烏府客山情還

訪白樓人登臨許作

一作接

烟霞伴高在方袍間幅巾

和李舍人使君紆題雲明府道室

許令如今道姓雲曾經西岳事桐君流霞手把應憐壽
黃鶴心期擬作羣金籙時教弟子檢砂牀不遣世人聞
桂陽亦是神仙守分別無嗟兩地分

奉和陸中丞使君長源寒食日作

寒食江天氣最清庾公晨望動高情因逢內火千家靜

便覩行春萬木榮
深淺山容飛雨細
縈紆水態拂雲輕
腰章本郡誰相似
數日臨人政已成

奉酬袁使君送陸灞却迴期道寺院

欲別湖上客
暮期西林還
高歌風音表
放舟月色間
更人莫報夜
禪閣本無關

招一作贈韓武康章

山僧雖不飲
酤酒引陶潛
此意一作興無一作少人別多為

俗士嫌

秋居法華寺下院望高頂一作峯贈如獻上人

峯色秋天見松聲靜夜聞影孤長不出行道在寒雲一作

入添

雲

贈韋早一作卓陸羽

只將陶與謝終日可一作好忘情不欲多相識逢人懶道

名

戲呈薛彝

山僧不厭野才子會須狂何處銷君興春風擺綠楊

贈顏主簿

漢家儀禮盛名教出諸顏更見尚書後能文在子山

贈融上人

常愛西林寺池中月出

一作在

時芭蕉一片葉書取寄吾

師

聽寒更寄朱兵曹巨川

歌枕

一作獨自

聽寒更寒更發還住一夜千萬聲幾聲到君

處

早春書懷寄李少府仲宣

并序

予故里在長城卞山昔歲屬狂寇陷沒江左親故
離散永望粉梓不覺傷懷因李使君長城遂寄是
詩以見情也

早年初問法因悟目中花忽值胡雛起芟夷若亂麻脫
身投彼岸弔影念生涯跡與空門合心將世路賒東田

已蕪沒

東部公有
東田詩

南澗盆傷嗟

秣陵記曰南
澗竭謝氏滅

崇替驚人

事凋殘感物華知君過我里惆悵舊煙霞

贈和評事判官

廷評年少法家流，心似澄江月。正秋學究天人知，遠識
權分鹽鐵許良籌。春風憶酒烏家近，好月論禪謝寺幽。
清白比來誰見賞，憐君獨有富人侯。

酬秦系山人題

一作戲贈

雲林出空

一作定

鳥

一作鳥

未歸松吹時飄雨，浴

一作沐

衣石

語花愁

一作悲

徒自詫吾心，見境盡為非。

酬秦系山人戲贈

正論禪寂忽狂歌莫是塵心顛倒多白足行花曾不染
黃囊貯酒欲如何

貽李湯

茅氏常論七真記壺公愛

一作好

說三山事寧知梅福在

人間獨為蒼生作仙吏日服丹砂骨自清膚如冰雪心

更明山中玉筍是仙藥袖裏素書題養生願隨黃鶴一

輕舉仰望青霄獨延佇平生好駿君已知何必山陰訪

王許

述祖德贈湖上諸沈

我祖文章有盛名千年海內重嘉聲雪飛梁苑操奇賦

梁苑出惠連公雪賦

春發池塘得佳句

康樂云池上樓詩夢惠連方得池塘生芳草之句

世業相承及我身風流自謂過時人初看甲乙矜言語

對客偏能鵲鵲舞

尚公少年善焉

飽用黃金無所求長裾曳地

干王侯一朝金盡長裾裂吾道不行計亦拙歲晚高歌

悲苦寒空堂危坐百憂攢昔時軒蓋金陵下何處不傳

沈與謝

田公與約俱是西邸八友

綿綿芳藉至今聞眷眷通宗有數

君誰見予心獨飄泊依山寄水似浮雲

舟行懷閻士和

二月湖南春草徧橫山渡口花如霰相思一日在孤舟
空見歸雲兩三片

贈張道士

玉京真子名太一因服日華心如日此心不許世人知
只向仙宮未曾出

戲呈吳馮

世人不知心是道只言道在他方妙還如瞽者

一作老

望

長安長安在西向東笑

宿山寺寄李中丞洪

第五句
缺三字

偶來中峯宿閒坐見真境寂寂孤月心亭亭圓泉影

滿山花落始知靜從他半夜愁猿驚不廢此心長

杳冥

戲贈吳馮

予讀古人書遂識古人面不是識古人邪正心自見貴

義輕財求俗譽一錢與人便驕倨昨朝為火今為冰此
道非君獨撫膺

感興贈烏程李明府伯宜兼簡諸秀才

門前峴山近無路可登陟徒愛峴山高仰之常歎息不
如松與桂生在重巖側

晚秋宿李軍道所居

清溪路不遥都尉每相招落日休戎馬秋風罷射鵰
花生野徑柏實滿寒條永夜依山府禪心共寂寥

送陸判官歸杭州

芳草潛州路
乘輶憶再旋
餘花故林下
殘月舊池邊
峯色雲端寺
潮聲海上天
明朝富春渚
應見謝公船

御定全唐詩卷八百十六